

## CONSILIVM CCXCV.

De fluxu materia alba è virga per decennium,  
pro Magnifico patritio Veneto.

**Q**uamuis Magnificus iste vir multis affectibus præter naturam vexetur, sicut refertur, vnum tamen præcipuum est, cuius ratione à nobis cõsiliu[m] requiritur: & est destillatio quædam albæ materie non mordicentis, neq; fœtidæ, colore subpallidæ quæ paulatim quidem, sed continuè, & iam per decenniu[m] perpetuò è virga emanat. Quæritur igitur quod genus sit hoc symptomatis, nunquid id ad gonorrhœam, vel ad aliud quippiam tale sit referendû? an verò sit alterius generis, & quæ sit ægritudo, quæ ratio, vnde actio læsa consequatur: deinde vbi constiterit de specie tum symptomatis, tum morbi, qua arte curari possit, si modò curatione admittat. Ac de symptomate quidem, non crediderim esse gonorrhœam, neq; enim ego semen excerni audio, ac propterea nec dicerè esse excretionem seminis. Sed nec pus esse dicendum est, cum vlceris nullum signum, quod ego intellexerim, appareat. Non etiam humiditatem è glandulis in collo vesicæ existentibus esse crediderim, cum non inde sequatur ardor vrinæ, quod proculdubio consequeretur, si per decennium eo affectu aliquis laborasset: habet enim illa humiditas hunc usum præcipuè, vt acrimoniam vrinæ obtundat, oblinatq; , & tanquam vestiatur suo lentore partes colli vesicæ sensibiles ad acrimoniam vrinæ sedandam. Ergo in eam potius partem inclino, vt materie pituitosæ, tenues, & crudæ, cum portiuncula aliqua bilis admista, propter hepatis & renum caliditatem, destillent per vrinæ meatus, atq; ita excernantur, præcipuè cum hic Magnificus vir amplos habeat meatus, & calidos renes, ob hepatis scilicet caliditatem, ac præterea in tota sua florenti ætate plus quàm oportuit Veneri indulserit, neq; rectam rationem in viuendo seruauerit. Confirmat hanc coniecturam ventriculi audita imbecillitas, cuius ratione pituita, proculdubio multiplicatur. Indicat etiam hoc ita esse nodulorum scirrhoru[m] multitudo, qui in virga frequentes & multi sunt. Indicat etiam difficultas illa in emittendo lotio, quod sine certo conatu expelli non potest: hoc enim contingit, quoniam pituitosa viscidaq; materia facillè circa vesicæ collum impingitur, lociq; illius angustias magis coarctat: virtutem etiam expultricem imbecillio[m] reddit tum refrigerando, tum etiam vrinæ acrimoniam plus quàm satis est obtundendo. Cum ergo tale opiner esse symptoma ob materiam pituitosam ad eam partem destuentem, causasq; habere corporeas, vetriculi imbecillitatem frigiditatis causa, simul cum hepatis & renum caliditate, & meatuum amplitudine: curatione molliendam arbitror cum his, quæ huiusmodi affectibus opponuntur. Ac primò corroborandum esse ventriculum, ne scilicet pituita multiplicetur: & euacuanda quæcunq; hætenus fuerit generata: deinde hepatis & renum caliditatem temperandam, meatusq; roborandos. Ergo ab euacuatione totius corporis incipiendum: primò cum his,

A quæ præparatas materias, quas vulgò cõmunes vocant, euacuent: deinde cum his, quæ residuum concoquant, postea educant. Consulere igitur, vt Magnificus iste vir curandus, primò sumeret florem calsiæ pondere ʒ cum ʒ ij. specieru[m] hieræ, ex quibus bolus conficeretur, maneq; tribus horis ante prandium exhiberetur. Deinde sumeret infra scriptum syrupum.

R. Syrupi de absinthio  
Oxymellis scyllitici ana. ʒ j.

B Decoctionis cichoriæ, & agrimoniz  
in iure tenui pulli ʒ iij.

Misce pro vno, & sic pro septem. Postea

R. Confectionis hamech ʒ iij.  
Diacatholiconis ʒ j.

Misce, & cum zuccharo fiat bolus, dandus in aurora cum custodia. Facta hac purgatione vtatur pro familiari remedio tum ad leniendam aluum, tum ad corroborandum ventriculu[m], singulis septimanis semel saltem bolo vel pillulis, quomodo illi libuerit, confectis hoc modo.

C R. Terebinthinz optimæ ʒ j.  
Rhabarbari electi ʒ j.

Misce, & sufficiat hæc quantitas pro duabus vicibus, si in bolus, vel in pillulas redigatur. Placet etiam vsus frequens zucchari rosati, si sumperit semunciam paulò ante cibum cum scrupulo specierum aromati rosati. Laudo etiam, vt præmissa euacuatione vtatur bis in anno, Autumnus inquam & Vere: neque enim facillè aut citò tolletur hæc dispositio, quæ per totum decennium perseverauit. Sed si curari cupit hic nobilissimus vir, non tantum vtetur præscriptis medicinis, sed etiam habeat optimam victus rationem, sine qua omnia proculdubio frustra fient. Cauebit igitur præcipuè à commestationibus, & cõpotationibus, parca sit erit tam in cibo quàm in potu, vtaturq; simpliciter obsonio, & epularum varietatem euitabit, nihil enim ei perniciosus. Cauebit à piscibus, passillis, lacticijs, fructibus, carne porcina, auibus quoscunq; antiqua fuerint. Vinum bibat limpidum, maturum, neq; adeò potens, sed moderatum. Cauebit quàm maximè fieri potest à Venere. Aeris etiam excessum euitabit. Atque hac victus ratione, & medicamentis, spero felicem successum in hoc Magnifico viro, ita vt prorsus ab omni morbo, tam præsentis, quàm futuro, sit liberandus, quantum attinet ad hanc, de qua consulimus ægritudinem, cum laude omnipotentis Dei, cuius nomen sit benedictum in secula.

## CONSILIVM CCXCVI.

De fluxu pituitoso per vrinam, vlcere in taurino, tabe, manus contractione, & hypochondriaca affectione. 16. Iulij. 1555.



Symptomata quæ patitur hic Magnificus vir, sunt hæc. Primò est de fluxu per vrinam, quem putat esse gonorrhœam: secundo patitur vlceris in ca taurum, quæ est pars inter testes & anu[m] tertio arefactio

Ufus huius  
debetis  
in glande  
bo rolli de  
sua

ad quod  
dicitur

atque